

SPORAZUM
o sufinansiranju izgradnje Centralnog spomen obilježja šehidima jedinice
„Crni labudovi“ i Muzej sobe jedinice „Crni labudovi“ u Neđarićima, Općina Ilidža

Sporazum su dana 03.06.2019. godine sačinili:

1. Ministarstvo za boračka pitanja Kantona Sarajevo, koga zastupa ministar mr. Ismir Jusko (u daljem tekstu Ministarstvo za boračka pitanja),
2. Općina Ilidža, koju zastupa načelnik prof.dr. Senaid Memić (u daljem tekstu Općina Ilidža) i
3. Udruženje boraca „Crni labudovi“ Ilidža, koga zastupa predsjednik udruženja Avdo Subašić (u daljem tekstu Udruženje Crni labudovi)

Član 1.

Svrha ovog Sporazuma je implementacija dijela finansijskih sredstava planiranih na pozicijama Ministarstva za boračka pitanja u Budžetu Kantona Sarajevo za 2019. godinu za sufinansiranje izgradnje spomen obilježja šehidima i poginulim borcima na području Kantona Sarajevo. Predmet sufinansiranja je četvrta faza izgradnje Centralnog spomen obilježja poginulim borcima jedinice „Crni labudovi“ u Neđarićima i treća faza Izgradnje Muzej sobe jedinice „Crni labudovi“, Općina Ilidža (u daljem tekstu Spomen obilježje).

Član 2.

Aktivnosti oko izgradnje predmetnog Spomen obilježja je pokrenulo Udruženje Crni labudovi, koje je i nosilac svih aktivnosti.

Obaveze Udruženje Crni labudovi su:

- Obezbjedenje potrebne dokumentacije sa predmjerom radova,
- obezbjedenje potrebnih dozvola za izvođenje građevinskih radova,
- izbor ponuđača i potpisivanje ugovora o izvođenju radova sa ponuđačem,
- obezbjedenje nadzornog organa nad izvođenjem radova,
- pridržavanje svih zakonskih obaveza,
- podnošenje finansijskog i tekstualnog izvještaja sa propratnom dokumentacijom.

Član 3.

Vrstu radova koja će se sufinansirati doznačenim sredstvima će definirati Udruženje Crni labudovi u skladu sa nivoom obezbijedenih sredstava, a prema utvrđenom prioritetu sa stručnog-građevinskog i ekonomskog aspekta.

Član 4.

Ministarstvo za boračka pitanja se obavezuje da za realizaciju ove faze izgradnje Spomen obilježja, na teret budžetske pozicije 615100 DAI001 „Sredstva za postavljanje i sanaciju spomen obilježja šehidima i poginulim borcima na području Kantona Sarajevo“, obezbijedi sredstva u iznosu od 20.000 KM (slovima: dvadesethiljada KM).

Transfer sredstava će biti izvršen nakon potpisivanja ovog Sporazuma.

Član 5.

Općina Ilidža se obavezuje da će u skladu sa zakonskim propisima Udruženju Crni labudovi izdati potrebne saglasnosti i dozvole.

Općina Ilidža je u prethodnom periodu finansijski podržala izgradnju Centralnog spomen obilježja i pripadajuće Muzej-sobe jedinice „Crni labudovi, a u skladu sa mogućnostima će i u narednom periodu podržati izgradnju predmetnog Spomen obilježja.

Vrstu i obim podrške kao i međusobne odnose, Općina Ilidža i Udruženje Crni labudovi će regulisati posebnim dokumentom.

Član 6.

Strane potpisnice su saglasne da se odobrena sredstva uplate na račun Udruženja Crni labudovi broj: 3387202225789745 kod Unicredit bank dd.

Član 7.

Udruženje Crni labudovi će odobrena finansijska sredstva utrošiti namjenski i u skladu sa zakonskim propisima te po okončanju aktivnosti, odnosno utrošku sredstava podnijeti izvještaj Ministarstvu za boračka pitanja i Općini Ilidža.

Davoci sredstava mogu tražiti podnošenje privremenog finansijskog izvještaja, naročito ukoliko realizacija aktivnosti bude trajala duži vremenski period.

U slučaju da vrijednost izvedenih radova u ovoj fazi bude manja od doznačenih sredstava, Ministarstvo za boračka pitanja je saglasno da Udruženje Crni labudovi preostala sredstva koristi za dalje radove na Spomen obilježju, odnosno na pripadajućoj Muzej sobi jedinice „Crni labudovi“.

Ukoliko Udruženje Crni labudovi odustane od realizacije sredstava, obavezuje se da će o nastalim okolnostima obavijesti Ministarstvo za boračka pitanja, te po prijemu odgovarajuće instrukcije izvršiti povrat doznačenih sredstava na račun Kantona Sarajevo.

Član 8.

Sporazumne strane su saglasne da sve eventualne sporove rješavaju mirnim putem, a u nemogućnosti takvog rješavanja nadležan je Sud u Sarajevu.

Član 9.

Sporazum stupa na snagu danom njegovog potpisivanja.

Član 10.

Sporazum je zaključen u 6 (šest) istovjetnih primjeraka, od kojih svaka sporazumna strana zadržava po 2 (dva) primjerka.

za Ministarstvo za
boračka pitanja

Ministar

mr. Ismir Jusko

Broj: 06-14-5206-1/19

Datum: 03.06.2019.

za Općinu Ilidža

Općinski načelnik

prof.dr.Senaid Memić

Broj:

Datum: 07.06.2019

za Udruženje Crni
labudovi

Predsjednik Udruženja

Avdo Subašić

Broj: 40-5P/19

Datum: 03.06.2019.